

Ugovorni organ:  
GRAD BIHAĆ  
Bosanska broj 4 77000 Bihać

Broj: 04- Ž/JN/18  
Datum : 14.12.2018 godine

Konkurentski postupak Javne nabavke za nabavku goriva za potrebe gradskog organa uprave Grada Bihaća , broj obaviještenja o nabavci 1034-7-1-128-3-43/18 od 06.12.2018.godine .

Na tendersku dokumentaciju za nabavku goriva za potrebe gradskog organa uprave Grada Bihaća, broj nabavke: **02/3-05-5535/18** žalitelj "REZ" d.o.o. Stijena zastupan po zakonskom zastupniku Ekremu Kolakoviću, ulaže sljedeću:

### Ž A L B U

REZ d.o.o. Cazin (u daljem tekstu: žalitelj) u zakonom predviđenom roku od 10. dana za ulaganje redovnog pravnog lijeka a u skladu sa odredbama člana 99-113. Zakona o javnim nabavkama BiH (u daljem tekstu: Zakon), ulaže žalbu na tendersku dokumentaciju Grada Bihaća zbog kršenja Zakona o javnim nabavkama :

- Članu 3.Zakona o JNB "Ugovorni organ dužan je da postupa transparentno, da se u postupku javne nabavke prema kandidatima/ponuđačima ponaša jednako i nediskriminirajuće, na način da osigura pravičnu i aktivnu konkurenciju, s ciljem najefikasnijeg korištenja javnih sredstava u vezi s predmetom nabavke i njegovom svrhom. "

Naime , postavljeni rok od momenta objavljivanja na portalu E-nabavke do momenta predaje ponuda (od 06.12.2018 do 17.12.2018 od jedanest dana od čega je četir dana vikenda ) je zaista prekratak da bi ponuđačima omogućio da ispoštuju sve postavljene uvjete tenderske dokumentacije

Istina, Zakonom o javnim nabavkama (u daljem tekstu: Zakon), a ni podzakonskim aktima nisu utvrđeni minimalni rokovi za dostavljanje ponuda za konkurentski zahtjev, ali obzirom na postavljene uvjete u tenderskoj dokumentaciji postavljeni rok nije primjeren i ne ostavlja dovoljno vremena kandidatima/ponuđačima za poduzimanje odgovarajućih radnji i pripremu ponuda.

Naime, predviđeni rok je u suprotnosti sa članom 56. stav (1) i (2) Zakona, koji omogućava zainteresiranim kandidatima/ponuđačima da u pisanoj formi, traže od ugovornog organa pojašnjenje tenderske dokumentacije pravovremeno, ali najkasnije deset dana prije isteka roka za podnošenje zahtjeva za sudjelovanje ili ponuda.

Stavom (2) pomenutog člana :“Ugovorni organ dužan je odgovoriti u pisanoj formi, a odgovor sa pojašnjenjem dostavlja svim kandidatima/ponuđačima koji su otkupili tendersku dokumentaciju, ili za koje ima saznanja da su istu preuzeli na jedan od načina iz člana 55. ovog Zakona, u roku od tri dana, a najkasnije pet dana prije isteka roka za podnošenje zahtjeva za sudjelovanje ili ponuda“.

Također, u suprotnosti je sa članom 88. stav (3) Zakona koji utvrđuje da zahtjev za dostavljanje ponuda obuhvaća adekvatne i dovoljne informacije na osnovu kojih ponuđači mogu pripremiti svoje ponude na stvarno konkurentnoj osnovi.

Utvrđivanjem ovako postavljenog kratkog roka za prijem zahtjeva/ponuda krši se između ostalog i princip aktivne i otvorene konkurencije uzimajući u obzir slijedeću tačku tenderske dokumentacije :

U tački 2.1 pod d) 3) Ugovorni organ je propisao obavezu dostavljanja uvjerenje/potvrdu o usklađenosti kvaliteta tečnih goriva uz navod da dostavljeni dokumenti moraju biti original ili ovjerene kopije i ne mogu biti stariji od tri (3) mjeseca računajući od dana dostavljanje ponude. Naime, monitoring se provodi u skladu sa Zakonom o naftnim derivatima U F.Bosne i Hercegovine a nadležno Ministarstvo propisuje dinamiku provođenja monitoringa za svaki enegetski subjekt posebno.

Na upit u vezi prethodno postavljenog zahtjeva na portalu E-Nabavke ugovorni organ daje slijedeći odgovor :

Svaki ugovorni organ prema svojim potrebama i zahtjevima izrađuje tendersku dokumentaciju uz poštivanje odredbi ZJN-a. Tako je i u ovom slučaju, a u cilju zaštite svoje imovine ugovorni organ zatražio predmetnu potvrdu. Tačno je da sukladno odredbama Zakona o naftnim derivatima u BiH Ministarstvo određuje dinamiku provođenja monitoringa, ali svaki dobavljač takvu potvrdu može pribaviti na vlastiti zahtjev, kako bi ispunio zahtjeve it td, a koje je ugovorni organ tražio.

Postavljeni rok od 11 dana ( od 06.12.2018 do 17.12.2018 ) sa četir dana vikenda je nedovoljan da bi bilo koji ponuđač bio u mogućnosti ispoštovati ovaj uvjet tenderske dokumentacije iz razloga što je potrebno prvo uputiti Zahtjev za uzimanje uzoraka za gorivo nadležnom institutu, odgovor o vremenu izlazaka na teren za uzimanje uzoraka goriva, sam dolazak na teren za uzimanje uzoraka, ispitivanje uzorka u ovlaštenim laboratorijima, izdavanje Certifikata, slanje poštom...

Proizilazi da samo ponuđači kod koji je monitoring vršen u posljednja tri mjeseca imaju mogućnost ispoštovati ovaj uvjet TD , samim tim i uzeti učešće u ovom postupku Javne nabavke čime Ugovorni organ krši između ostalog i princip aktivne i otvorene konkurencije što je u suprotnosti sa Zakonom o javnim nabavkama sa gore navedenim Članom 3.Zakona o javnim nabavkama.

Nadalje ,pored kratkog roka propisanog od strane Ugovornog organa , zahtjevanja dostavljanja prethodno navedenog Certifikata o kvaliteti ne starijeg od tri mjeseca iako je Zakonom određeno da nadležno Ministarstvo propisuje dinamiku provođenja monitoringa za svaki enegetski subjekt posebno,Ugovorni organ krši Zakon o Javnim nabavkama I slijedećoj tački tenderske dokumentacije :

### ***POUKA O PRAVNOM LIJEKU***

*U slučaju da je Ugovorni organ u toku postupka javne nabavke izvršio povredu odredbi Zakona ili podzakonskih akata, ponuđač ima pravo uložiti žalbu Ugovornom organu u pisanoj*

formi na način i u rokovima propisanim članovima 99. i 101. ZJN.

**Žalba se izjavljuje Uredu za razmatranje žalbi, putem ugovornog organa, u roku od 10 dana od dana preuzimanja tenderske dokumentacije uz obaveznu uplatu takse za podnošenje žalbe ugovornom organu u iznosu od 10,00 KM. Taksu je potrebno uplatiti na račun broj 3385002200163231 vrsta prihoda 722131, šifra opštine 003, budžetska organizacija 7, poziv na broj 10. Ponuđač je dužan u skladu s odredbama člana 99. Zakona o javnim nabavkama („Službeni glasnik BiH“ broj 39/14) dostaviti žalbu ugovornom organu **NAJMANJE U TRI PRIMJERKA.****

Određivanje uplate takse za podnošenja žalbe nije u skladu sa Zakonom o Javnim nabavkama u kojem je jasno definisano postupak pri ulaganju žalbi (član 99-113) gdje nije ostavljen prostor bilo kakve naplate takse od strane Ugovornog organa.

**Napominjemo, da su Zakonom utvrđeni rokovi za izjavljivanje žalbe u članu 101. Zakona (pa tako npr. rok za izjavljivanje žalbe na tendersku dokumentaciju iznosi 10 dana od dana preuzimanja iste itd).**

Prijedlog dokaza:

1. Tenderska dokumentacija
2. Rubrika Pitanja i odgovori na portalu E-nabavke

Dostavljeno:

- Naslovu: - poštom  
- e-mail :jasminka.poljak@bihac.org  
- fax br. 037/229-699

Za žalitelja:  
direktor: Ekrem Kolaković